

嘉靖沔陽志

地志卷之四
12752
部三：二

提封上



沔陽志五



管者禹平水土蟠冢導漢過三筮至于大別岷

山導江過九江洞庭至于東陵巴陵江漢朝宗于海

沱潛既道雲土夢作又周官職方氏辨九州之

國正南曰荊州數曰雲夢川曰江漢沔北曰漢

南曰九江曰東陵東曰大別西曰三筮其地雲

夢故澤也桑欽水經沔水東南逕雲杜景陵地又

東逕沌陽入江夏水出江流于江陵東南又東

過華容監利南又東至雲杜入沔沔東北曰雲杜

志五

提封上

一

西南曰華容故又為沱潛也故沔跨江漢雲夢

之間沱潛之地沮洳之區重湖巨澤曲河隍洲

滂洋衍溢聯綿逆折平疇廣藪壇曼陲靡水據

洪川陸擅沃埜土地延袤殆將千里宋朱昂云

襟帶隨郢腹背吳楚地窪而卑水漾而豬即處

僻左多荒蕪不得與通都顯邑齒然以鄙阨信陽

為屏蔽襄郢為門戶洞庭長江為隍塹訐訐乎

亦足稱雄矣詩曰滔滔江漢南國之紀言紀夫

南國也其東為漢陽其東南及南為江其西南

為監利其西為潛江其西北為京山其北為應

城其東北為漢川沔東行二百七十里盡麻漢

二百二十有五里俱盡江西南行百二十里盡

沙口西行百七十里盡南池村西北行九十里

盡總口北行七十里盡南黃東北行如西南盡

瀟水村廣為里八百六十袤五百四十景陵東

行九十里盡城隍臺東南行九十里盡拖鎗河

南行百二十里盡南黃西南行五十里盡澤口

西行九十里盡小河口西北行五十里盡綠水

堰北行八十里盡楊須市東北行七十里盡五

龍河廣為里百七十袤百八十

晉天文志翼軫楚荊州南郡入翼十度江夏入

翼十二度陳卓范蠡鬼谷先生張良諸葛亮譙

志五 提封上 二

周京房張衡並云按范蠡鬼谷時沔屬南郡至

陳卓時沔屬江夏郡久矣自蠡至良歷世邈遠

莫究其說卓魏太史令言天官者多推之自亮

至衡並號精博而卓言郡國所入躔次尤詳其

曰江夏則沔在其中况夏寔自沔達江今漢口

即漢江夏郡地道里迫近沔或與江夏同度也

春秋元命包軫星散為荊州史記天官書漢天

文志並云翼軫荊州劉向言分域亦云楚地翼

軫之分壘也魏陳卓郡國經次自張十七度至

軫十一度為鶴尾於辰在巳楚之分壘費直起

張十二度蔡邕起張十三度皇甫謐帝王世紀

自張十八度至軫十一度曰鶴尾之次於辰在

巴謂之大荒落於律為夷則斗建在申今楚分
楚張翼軫迺有不同夫荆楚地大析言之則為
翼軫為軫括言之則張翼軫也沔舊屬江夏郡據
卓言當與同度翼之分楚故志兼言翼軫失詳
致也又春秋文耀鉤北斗分楚荆屬衡晉志一
秦二楚星經玉衡第四星主荆以五卯日候之
又云熒惑主霍揚荆交四州熒惑夏火也故主
南方晉志牛文間十六星主十二國魏西一星
曰楚宋兩朝天文志天市垣二十二星其西垣
第二星曰楚星書五車五星中央一星主楚然
則荆楚占候固
不專翼軫也

山

東臯雜錄云信陽軍山路險隘迤邐至安陸又
丙驛至復州南大江並無丘陵之阻謂竟陵者

志五

提挈

三

陵之竟也石首者石之首也按所云險隘即楚
鄆院之塞又漢志章山在竟陵東北即禹貢之
內方其麓俱至景陵而竟自景陵至沔訖于大
江綿亘四百里皆漫然平行矣故景陵之北岡
阜聯絡或多起伏沔惟瀕江數丘而已謂之亡
山可也

沔南二百里曰黃蓬山其山墜起江湖間延綿

環結而秀其支曰香山形似香爐故名俗曰望鄉曰石靈曰

松林磯曰烏林林俗作陵與江南赤壁對即周瑜破曹操處圻曰斑

竹統三百餘阜週二十里前為江左為菖蒲澥

右為蓬湖上有古城城外有臺相傳魯肅嘗屯兵於此有

靈福觀有崇鳴寺知縣深靈福觀記蓬山高低連絡同阜隱顯若瓜蔓然大

小三百餘峯東曰石靈西曰香山其存高者也南

曰鳥林中曰松林其次者也檢討孫作蓬山十

二景蒲澥朝陽香山秋桂松林鬱秀鳥林夕照

古城喬木蓬湖春漲雙洲鷗鷺蓮院薰風北村

煙樹南江橫練靈福晨鐘崇鳴古柏

知縣深各有詩刻靈福碑陰茲不載

大隱林 小隱林故志在州南蓋楚漁父釣處也今無攷

景陵東北七十里曰五華山其山週九百丈高

十有五丈其上有風城有伏羲廟其下曰臨津

志五 提堦 四

門有神農廟有白龍寺有仙真觀

西六十里曰青山其山色多青上有普濟寺知縣

縮詩三年兩度青山過景物依然鳥自啼路入

天門隔南北禾生中港無東西已看刀劍賣為

犢誰為弦歌笑割雞詢遍民

風歸馬晚好峯如畫白雲低

青之左曰天門山舊曰火門唐陸羽傳負書火

俗忌火 便今名 北六十里曰龍穴山又曰龍尾其山狀若龍穴

傍有龍穴陂

東北七十里曰巾戌山晉元熙間得古鐘七枚

干此叙按水經註巾水

西逕竟陵縣北西逕揚水謂之中口今亦有中港市疑古或置戍若橫桑戍之類也

縣東南曰見龍山其山蜿蜒如龍環拱縣左

知縣

縮記山脈自東而來環於縣南縣之地下人依山以居比屋週遭如無山然甲辰春譙樓成梯而以上之山形始見乃以縣西隙地徙居人屋通之以路造其上而遊焉凡一縣之內錯錯然於日中也時父老聞之亦相率來觀且請以見龍名之易曰見龍在田利見大人謂之見龍者非徒誇形勝美遊觀也

境會石

故志在鼓角樓下碑云諸葛嶺在縣南

世傳孔明

東岡

在縣東七十里夾松石華嚴二屯兵處

世家馬鐸少有詩古樹岡頭屋數椽主人家世只殘編佳臨江漢東南會望到雲龍五百年七

志五

提封上

五

澤鳶魚皆道理九州兄弟或顛連西止林在縣

周老鳳將雛近幾見梧桐日影圓

十里祭酒鐸諭葬其處鐸記邑城之東東行四

十里而至此地從其子志遠孫新購得之為堪

所居也余卜地蹤跡所自起伏透邈而來其

輿之說者曰此地蹤跡所自起伏透邈而來其

山水形氣皆翕止於此是吉可壽歲公余曰余少

而學道蚤有志世務晚得一第為禁近官十年

及疾得請歸又十年大司寇林見素諸名公暨

兩都臺諫諸賢皆論薦稱與過情部檄綠詔

屢至皆莫能起應今疾與年益侵余殆亦止於

恒涸水以漁每淤入為洲灘翳堂局乃固築不

令如舊所為湖亦以止名凡海內知舊暨同年

咸知有所謂止林者鄉里差少珍珠坡在縣西

共以老稱故又號止林者鄉里差少珍珠坡在縣西

中有珠相傳有敗珠者覆舟于此頗

著靈異鄉人祀之坡側一名覆船岡

川

左傳江漢沮漳楚之望也史記竟陵澤楚之材也相如賦子虛稱楚有七澤雲夢其一則沔之陂澤聞古今久矣其中湖河或匯為潏潏或析為潢滂支流餘派聯綿灌注大者或蕪數十謂之子湖名號瑣猥不可勝紀今稍列其彰顯者著之于篇

沔南二百里曰大江其源出岷山

地志在蜀郡

外今成都茂州也

東別為沱又東至于澧

澧水名今澧州江至此

志五

提封上

六

受水二十過九江今洞庭凡受水九故詳見水經

至于東

陵

今巴

逕白螺山南

在監

又逕止烏林南

即鳥

水經東過茅埠口又東過竹林灣

口

又東過新灘

水洪二口又東北過沌口沌水入焉

水經註

沌

之太白白湖湖東又東過漢口與漢水合

茅埠歌

南上三江接六溪碧紋不動月輪低水仙吸露

頭黃鬚津吏下迎舟鳴金擗鼓綠何事如此荒

連天楓葉如吟采蓮曲荷花偏隱捕魚船其四

終辭酌為有秋光始縱遊

西北曰襄河漢之潛也爾雅漢別出為潛漢水自安陸

東播為蘆泆河入于潛江東南至于上新口逕

鮎魚套逕白汊口達于三江口又自上新播于

下新口逕伯口復自柳口折于三江口合流趨

于白湖又自柳口東播于萋蒿汀至直步夏水

從西來注之逕螺子瀆逕渣潭東北趨太陽入

于襄河又自渣潭東南逕小陽逕張家池逕壩

港入陽名湖俱匯于白湖出沌口入江漢水又

自蘆泆播于排沙逕深江逕剡河逕范漑關逕

志五

提封上

七

栗林逕麻港逕南灣至黃荊口入下帳湖東匯

于白湖又自范漑南播于劉家渡入于三江口

又自栗林口播于蔣家灣逕蓮臺趨大湖口合

黃荊口水

漕河自柳口環城西北達于三江口方輿勝覽

年省劄江陵府漕河晉建武初所鑿自羅堰口

出大漕河由里社穴沌口沔水口直通漢江張

孝芳記端拱元年閻文遜奏開東漕渠自師子

口入于漢達于襄陽遂發丁夫治荆南漕河至

漢可勝二百石舟上游之人利焉叙按故志潛

江有里社穴景陵有師子河俱通漢漕河之名

當以此也又晉武初杜預開揚口通零桂之

漕起夏水達巴陵則沔之有漕河自預始也

南四十里曰長夏河即夏水江之沱也爾雅江出為沱夏

水自監利入東為太馬長川過沙口又東北過

柴林河至直步與漢水合水經夏水出江流于江陵東南又東過華

容南又東至雲杜入河監利古華容也禹貢蔡傳夏水首出于江尾入于沔亦謂之沱通典復

州沔陽有夏水輿地廣記夏水入沔謂之沱口冬竭夏流故曰夏水漢志江夏郡註謂夏水過

郡入江也即今漢口然夏水至直步即合漢水不當逆流至漢口入江若云夏流則盛夏江漲

亦可漫衍而上也睹口今亦失其處豈漢濁易淤遂致湮塞耶又按楚辭過夏首而西浮夏之

首也左傳吳伐楚至于夏汭沈尹射奔命于夏汭遠射以繁揚之師會夏汭夏之尾也漢以前

多言夏言漢其後多言沔漢沔夏一水異名故漢口亦曰夏口又曰沔口

志五 提封上 八

南百八十里曰復車河亦沱也江自茅埠灌蓬

湖湖東為河逕牛埠逕三灣逕平放東出新灘

口又自三灣逕斗湖至陽名隗于白湖出沌口

入江

東二百五十里曰太白湖水經註沌水通沔陽之太白湖漢陽志李

太白嘗遊于此因名一曰九真白湖一曰土豬其湖潛自

西北注之西湖李老泗港沙湖諸水匯焉沱自

南注之直步黃蓬陽名諸水匯焉沔之巨壑也

週二百餘里達于沌口入江故屬沔今半屬漢陽知州瀛詩楚嶽

青無盡南遊興不孤霧涵七澤水天接九真湖
飛棹搖叢竹停舟舞鴈息自憐簪紱絆花浦羨

漁夫

二百四十里曰沙湖其湖連太白都御史廬陵王槩詩路入

沙湖景漸幽日斜風定雨初收白雲藏綠山間
寺碧樹圍紅驛外樓波影平鋪千里月水光倒

浸一天秋荆湘佳景良難得此處經過是勝遊
尚書左綿金獻民詩蕭蕭行李過沙湖五月將

臨四月徂兩岸蘆花民舍靜半帆煙雨客懷孤
旋烹新茗消昏暑自買河魚著午厨笑我不如

湖海士櫓聲驚起水中息知州濂詩襟雲帶夢
古沙湖海客紛紛聚一區船裏錦鞵聯翡翠柁

頭金鎖繫珊瑚其二漁豎當年起在茲築壇開
府樹黃旗天戈直搗鯨鯢窟泗水今為魚鱗池

其三沙湖問俗暫停槎只見平湖不見沙誰道
湖村風俗好如花少女賣魚蝦其四湖上人家

志五

提封上

九

風色清蒲衣菱筏可憐生采蓮
慣識溪邊路晒網頻驚樹上鶯

百七十里曰陽名湖其湖受復車河張家池逕

崇陽潭入蘆花瀆匪白湖

二百六十里曰短汀湖其湖受張家壩港接魯

陽潭逕麻汀入白湖

一百四十里曰陽孟池有湖曰郝盤泛曰五老

紹興池曰浹液達于白湖

十有五里曰白鷺湖二十里曰鼉湖荆州記河陽有鼉湖

城東曰蓮花池其池南北相麗中為橋為通衢

多蓮開之日香蕊萼可玩亦郡之佳勝也都指

閩即北池之濱為兩松山閣故址尚存

南有八十里曰黃蓬湖其湖納茅埠口許家池

連大舍白螺上洪俱蓮子潭趨復車達新灘入

江亦入白湖江溢則滄洞入漢知州漁詩誰植

分小港抱柴扉雪深漁艇依村泊天暝鷗鷺逐

伴飛湘水自通雲夢澤楚人合着芟荷衣輞川幽絕真難勝况復東潭白鰕肥

二百里曰千金白螺湖在監利白曰塘陵大舍

湖

志五 提封上

十

二百里曰烏流曰龍巢曰雲泛三湖俱達于白

湖

百四十里曰張家池有湖曰塘林深水潭曰浮

溝逕橫汊古村壩溝俱入陽名

百五十里曰西湖其湖受燕子河穿柳林合西

洋湖入洪湖逕大洪口走黃蓬西之傍曰鄭道

白涉壩潭三湖俱達于洪

百三十里曰司馬小陽湖其湖合牛頭湖烏林

溝斗口湖逕張家入陽名

七十里曰直步湖其湖受柳口太馬河逕明魚

口螺子瀆逕渣潭李二河入陽名

東南二百八十里曰下五湖九十有五里曰西

港鮑公土橋潭沉槎澗潭諸湖俱入陽名

西五里曰百石湖其湖中為長隄為驛道亘十

餘里舊植柳人馬往來其上亦一景也知州順

湖邊萬丈隄雙溝流水出前溪嘉禾翠色連畦
秀垂柳濃陰匝岸齊客路入雲行處遠郵亭和
雨望中迷勸農幾度春風裡滿地花香襯馬蹄
學正順詩驛道接長隄遙通古郡西嘉禾盈綠
野垂柳拂清溪使客乘驄過行人
聽鳥啼春深初雨霽紫燕拾香泥

志五

提封上

十一

十里曰三陽湖方輿勝覽東曰東陽西曰西陽北曰北陽故名

西南五十里曰角兒湖其湖連柘柴湖逕荻根

儲龍潭二段下港達柳口

四十里曰官港湖又五里曰賽港湖

東北百三十里曰馬骨泛有湖曰李老南灣沙

灣雞頭圓昌三墩灣曰楊林神臺茅臺清水口

曰黃荆北入漢東入白湖以上多淤為田

四十里曰奠石湖其湖磬折

泗港有三十里曰上二十里曰中四十里曰下

皆湖也俱入于河

西北曰上下西湖其湖北受剡河南山月湖口入于漢

北曰復池湖復州名曰白龍湖

北有澧馬白雲葫蘆青山風波蒿臺上下帳諸湖皆景陵地然特隸于沔故復繫之

百五十里曰澧馬潭在縣南有陡湖荷湖雙湖

石泉爛泥三角龍蒙諸湖陳老濠柏家灣老鸛

塌其水皆達于漢以上多淤為田

志五

提封上

十二

百三十里曰白雲三汊在縣東南有泛曰白步

曰蘇家湖曰白河曰拖鎗入于漢

百二十里曰葫蘆三灣在縣西南有湖曰白泛

花臺羅臺高臺堰曰洪積淵曰桐樹澤曰漁泛

港曰月入于漢

七十里曰下帳湖在縣東其湖有范老反灣有

長洲官洲團洲受黃荆口破江蓮臺東合張池

口趨白湖

六十里曰上帳湖在縣南其湖有紅花魚腦牛

頭黃沙楊庄自麻洋潭逕破江潭灣入下帳

百六十里曰青山湖在縣西十五里其湖近青山

百九十里曰風波湖在縣東北十里其湖有安定黃林

納柳家河達楊林口入漢

百四十里曰高臺湖在縣東七十里其湖達回河口入

漢

史氏曰余觀沔之湖大者數百里小者不
啻數十里其諸洿潦不與焉長波巨浸渺
渺相望何其夥也然其北多在景陵李老

志五

提封上

十三

為大其西多屬監利西湖為大其南黃蓬
為大其東太白為大諸湖皆逶迤入太白
故沔眾水之匯也太白沔水之匯也故沔
之水豬于太白洩于沌口地之勢然也不
然沔其魚乎

雲夢澤史記雲夢註裴駰云孫叔敖激沮水作此澤張揖云楚藪也在南郡華容縣郭

璞云安陸有雲夢城枝江亦有之華容又有巴丘湖俗云即古雲夢澤也張云在華容者指此

也安陸又有雲夢縣其名皆遠取此澤也唐安審暉敗唐兵於雲夢澤中史炤曰雲夢二澤名

胡三省辯誤禹貢雲夢孔安國註在江南左傳楚王以鄭伯田江南之夢杜預註雲夢跨江南

北漢志雲夢澤在華容南祝穆曰邠夫人棄子
文于夢中言夢而不言雲楚子避吳入雲中言
雲而不言夢則知二澤也漢陽志亦云雲在江
之北夢在江之南此皆以二澤為說也蓋古之
雲夢澤甚廣後世悉為邑居聚落故地之以此
得名者非一處也叙按故志景陵亦有雲夢城
子文所棄與楚子所入
處皆在江北正沔地也

東五十里曰滄浪水故志禹貢漢東流為漢又

漁父處劉澄之山水記云在沔口叙按水經註
武當縣北四十里漢水中有洲曰滄浪洲水曰
滄浪水即今均州地沔有此水雖非其故處然
亦滄浪之下流豈後人聚稱之若漢沔夏之互
名耶又按說郭滄浪地名非水名蘇子美卜居
吳下前有積水即吳王僚所開池作亭其上名
之滄浪似以為渺瀰之狀失之矣沔之滄浪亦
地名也潘子安詩滄浪濯纓仍濯足我來啓蓬

志五 **提對** 十四

惟濯心高歌孺子不可作遠放靈均何處尋斷
岸早霜千樹錦孤村落月數家砧中州未必無
芳杜誰采幽
香慰苦吟

北二里曰白沙水故志岫京山白沙山下流經

志引唐地理志郢州富水有白沙口謂此山白沙水所
出而水經言江水東得白沙口漢當共趨漢口
也今京山在漢江北白沙水入漢當共趨漢口
入江不當截流經沔五代梁分漢江南為白
微科院宋陞為玉沙縣其地在沔西南水經白
沙口當亦不遠沔或別有此水而縣名亦非遠
取京山之

七里沔故志周地圖云夏水合諸水同入漢自

勝覽紀在復州江漢夏三水所匯之處是也
或曰景陵有七里泛即七里沔俱未知何據

滌塵井在玄妙觀一曰濯纓

湧玉泉在城北相傳古有泉流出漕河沙白如銀隨流湧出故名叙疑即白沙水也

熨斗陂故志寰宇記滄浪之水其側又有熨斗陂叙按宋吳獵傳獵知江陵於赤湖城

西南過熨斗陂水以限戎

馬則此陂又在江陵也

沌水故志不載叙按玉海引范成大曰自石首縣舟行百四十里入魯家洲自魯家洲入

沌沌者江傍支流如海之泖其港僅過運河兩岸皆蘆荻支港皆通小湖魯家洲即今監利魯

洲江也東流為太馬河即長夏水至沔逕直步

比接漢水東流至太陽入于漢東匯于白湖又

東流出沌口入江故沌口有古沌陽縣水經註

沌水上承沔陽之太白湖東南流為沌水蓋沌

之下流也由是言之沌水正逕沔地其

日僅過運河又足為漕河之一證也

志五

提封上

圭

提封上